

# ბოლნისი

გამოდის 1935 წლიდან

ფასი: 1 ლარი

*ვიღაცავე შტა-ახარ ხეხ!*



**ბოლნისის მუნიციპალიტეტის  
მერმა დავით  
შერაბაძიშვილმა 2023  
წელს განხორციელებული  
პროექტები და პროგრამები  
შეაჯამა**

მ3:2



**საახალწლო  
ღონისძიებამ ბოლნისში  
სრული ანულაბით  
ჩაიარა**

მ3:5



**2022 წლის წარჩინებული  
კურსდამთავრებულების  
დაჯილდოება**

მ3:6

### ბოლნისის მუნიციპალიტეტის მერმა დავით შერაზადიშვილმა 2023 წელს განხორციელებული პროექტები და პროგრამები შეაჯამა



ძვირფასო ბოლნისელებო, ბოლნისსა და სრულიად საქართველოს ვულოცავ ახალ წელს. 2024 წელი ყოველი თქვენგანის ოჯახისთვის ბედნიერებისა და წარმატების მომტანი ყოფილიყოს!

უპირველეს ყოვლისა, მსურს მოგილოცოთ ევროკავშირის კანდიდატის სტატუსის მიღება. ეს დიდი წარმატებაა, ჩვენი ქვეყნის სწრაფი განვითარების საწინდარია და დარწმუნებული ვარ, რომ მალე საქართველო ევროკავშირის სრულფასოვანი წევრი გახდება.

ბოლნისის მუნიციპალიტეტისთვის 2023 წელი არაერთი მიმართულებით აღმოჩნდა წარმატებული. ბოლნისის მუნიციპალიტეტის მასშტაბით, 2023 წელს 12 488 177 ლარის ღირებულების 137 ინფრასტრუქტურული პროექტი განვახორციელეთ. წელს, სოციალური და ჯანდაცვის პროგრამებისთვის ჯამში 4 015 241 ლარი დავხარჯეთ, დახმარება კი 5 488 ბენეფიციარს გავეწიეთ.

მსურს, 2023 წელს მუნიციპალიტეტში განხორციელებული მნიშვნელოვანი პროექტები და პროგრამები მოკლედ შევაჯამო.

#### საგზაო ინფრასტრუქტურის მოწყობა

მიმდინარე წელს, ადგილობრივი ბაზალტით ქალაქ ბოლნისში 500 ბოლნელის, ანზორ ოჩხიკიძისა და სოხუმის ქუჩების მოიკირწყლა.



ქვაფენილი ასევე სიონისა და აკაკი წერეთლის ქუჩების 2 მონაკვეთზე დაიგო. საერთო ჯამში, 2023 წელს, ქალაქში 1,442 გრძივი მეტრი მოცულობის ქვაფენილის გზა მოვანყეთ.

ასფალტის საფარი გაკეთდა ილია ჭავჭავაძის, ვაჟა-ფშაველას, წმინდა ნინოსა და სოხუმის ქუჩის ერთ მონაკვეთზე. 2023 წელს დასრულდა დავით აღმაშენებლის ქუჩაზე მდებარე 11 კორპუსის შიდა ეზოს მოასფალტების სამუშაოებიც. აღსანიშნავია, რომ წელს ასფალტბეტონის გზა მოეწყო სოფელ სავანეთში. საერთო ჯამში მიმდინარე წელს ბოლნისის მუნიციპალიტეტის მასშტაბით 1229 გრძივი მეტრი ასფალტის გზა გაკეთდა.

მიმდინარე წელს, ისტორიულ სოფელ ტანძიაში შიდა გზის ბეტონის საფარისა და სანიაღვრე არხის მოწყობის სამუშაოები დაიწყო.

აღნიშნული სამუშაოები რეგიონებში განსახორციელებელი პროექტების ფონდისა და ადგილობრივი ბიუჯეტის თანადაფინანსებით განხორციელდა.

რეგიონებში განსახორციელებელი პროექტების ფონდისა და

ადგილობრივი ბიუჯეტის თანადაფინანსებით, ქალაქ ბოლნისში დავით აღმაშენებლისა და სულხან-საბა ორბელიანის ქუჩებზე გარე განათების ქსელიც განახლდა.

პროექტის ფარგლებში დამონტაჟდა თანამედროვე ენერგოეფექტური ნათურები. ინფრასტრუქტურული სამუშაოების ღირებულებამ კი 1 358 572 ლარი შეადგინა.

#### სასმელი წყლის სისტემების რეაბილიტაცია

საქართველოს გაერთიანებული წყალმომარაგების კომპანია ბოლნისის მუნიციპალიტეტისა და მიმდებარე სოფლების, 24-საათიანი წყალმომარაგების უზრუნველსაყოფად, წელს 63 650 000 ლარის ღირებულების პროექტებს ახორციელებს.

სამუშაოები მოიცავს: ქალაქ ბოლნისისა და დაბა კაზრეთის წყალმომარაგების სისტემის ოპტიმიზაციისა და მრავალბინიანი საცხოვრებელი კორპუსების გამრიცხველიანებას, „ყარაბულახის“ სათავე ნაგებობის რეაბილიტაციასა და მიმდებარე სოფლების წყალმომარაგების სისტემის პროექტირება-მშენებლობას, სოფელ ტალავერის წყალმომარაგების სისტემის მოწყობის პროექტირება - მშენებლობის სამუშაოებს.



#### სოფლის მხარდაჭერის პროგრამა

„სოფლის მხარდაჭერის პროგრამისა“ და ადგილობრივი ბიუჯეტის თანადაფინანსებით, ბოლნისის მუნიციპალიტეტის სოფლებში, დაბა კაზრეთსა და დაბა თამარისში, 2023 წელს 810 640 ლარის ღირებულების 43 ინფრასტრუქტურული პროექტი განხორციელდა. პროექტების ძირითადი მიმართულება წყლის სისტემების, საგზაო ინფრასტრუქტურის, გარე განათების, სპორტული სივრცისა და სკვერების მოწყობას მოიცავდა.

#### სოციალური და ჯანდაცვის პროგრამები

ბოლნისის მუნიციპალიტეტი სოციალური პროგრამებით უდავოდ გამოირჩევა, რასაც დარგის სპეციალისტების შეფასებაც ადასტურებს. ადგილობრივი ხელისუფლების მიზანია, მოწყვლადი კატეგორიის ოჯახებისთვის მათზე მორგებული სერვისები შეიმუშაოს. 2023 წელს, სოციალური და ჯანდაცვის პროგრამებისთვის ჯამში 4 015 241 ლარი დაიხარჯა, დახმარება კი 5 488 ბენეფიციარს გაენია.

ავადმყოფთა მედიკამენტებით უზრუნველყოფის პროგრამით 122-მა ქრონიკული დაავადების მქონე ბენეფიციარმა ისარგებლა, რისთვისაც ბიუჯეტიდან 156 000 ლარი გამოიყო. 363 შშმ პირის დახმარებას 530 920 ლარი მოხმარდა, სოციალურად დაუცველ 1 წლამდე ბავშვის ყოველთვიური კვების უზრუნველყოფისთვის კი 30 000 ლარი დაიხარჯა. ბავშვთა მხარდაჭერის პროგრამით ისარგებლა 16 ოჯახმა, რისთვისაც დაიხარჯა 39 300 ლარი.

2023 წელს, სოციალურად დაუცველი ოჯახების გათბობის სეზონზე მატერიალური დახმარებით მერიამ 565 ბენეფიციარი უზრუნველყო, რისთვისაც 113 000 ლარი დაიხარჯა. ბინის ქირის გადასახადი 2023 წელს 24 ბენეფიციარს გადაუხადეთ, რამაც ჯამში 49 450 ლარი შეადგინა. სოციალურ საცხოვრისებში მცხოვრები 38 ოჯახისთვის კომუნალური გადასახადით უზრუნველყოფას კი 34 381 ლარი მოხმარდა.

სამედიცინო უზრუნველყოფის პროგრამით, 2023 წელს 2760-მა ბენეფიციარმა ისარგებლა, რისთვისაც ბიუჯეტიდან 1 700 000 ლარი დაიხარჯა. ომის ვეტერანთა, საქართველოს ტერიტორიული მთლიანობის, თავისუფლების, დამოუკიდებლობისათვის, საომარი მოქმედებების დროს დაღუპულ და დაკარგულთა ოჯახების მატერიალურ დახმარებას 23 500 ლარი მოხმარდა.

ერთჯერადი მატერიალური დახმარებით კი 1322 ბენეფიციარმა ისარგებლა. ამ პროგრამის ფარგლებში, 2023 წელს, 311 550 ლარი დავხარჯეთ. 2023 წელს სტიქიის შედეგად მიყენებული ზიანის ანაზღაურებას 971 000 ლარი მოხმარდა.

აღსანიშნავია, რომ წელს ევროკავშირის მხარდაჭერილი პროექტის „სამოქალაქო საზოგადოების გაძლიერება ინკლუზიური და მწვანე პოსტ-კოვიდ აღდგენისთვის“ ფარგლებში, რომელსაც CENN პარტნიორ ორგანიზაციებთან ერთად ახორციელებს, შეიქმნა მრავალაქტორული

პროექტი „ბოლნისის თეატრი სკოლებისთვის“ წარმატებით შედგა

სამუშაო ჯგუფი, რომელმაც ექსპერტების ჩართულობით, შეიმუშავა 16-29 წლამდე ახალგაზრდების სოციალურ-ეკონომიკური გაძლიერების პროგრამა.

პროექტი ახალგაზრდების სოციალურ-ეკონომიკურ გაძლიერებას, ახალგაზრდების თვითრეალიზაციას ისახავს მიზნად და 2024



წლის ადგილობრივ ბიუჯეტში პროგრამისთვის 100 000 ლარია განსაზღვრული.

სოციალურად დაუცველი მოსახლეობისთვის დაზიანებული სახურავების შეცვლა

ბოლნისის მუნიციპალიტეტი ყოველწლიურად სოციალურად დაუცველ და მოწყვლადი კატეგორიის ოჯახებს სახლის დაზიანებულ სახურავებს უცვლის. მიმდინარე წელს ამ პროგრამით, 54-მა სოციალურად დაუცველმა ოჯახმა ისარგებლა. სოციალურად დაუცველი ოჯახებისთვის სახლის სახურავების შეცვლის სამუშაოებისთვის 2023 წელს მუნიციპალიტეტმა ადგილობრივი ბიუჯეტიდან 1 048



621 ლარი გამოყო. აღსანიშნავია, რომ 2016-2023 წლებში, საერთო ჯამში, ბოლნისის მუნიციპალიტეტმა დაზიანებული სახლის სახურავები სოციალურად დაუცველ 368 ოჯახს შეუცვალა, რისთვისაც ადგილობრივი ბიუჯეტიდან 4 349 031 ლარი დაიხარჯა.

მუნიციპალური ტრანსპორტის ავტოპარკის განახლება

საქართველოს პრემიერ-მინისტრის ირაკლი ლარიბაშვილის გადაწყვეტილებით, საქართველოს რეგიონებისთვის ახალი ავტობუსების შეძენა განხორციელდა. პროექტის ფარგლებში, ბოლნისის მუნიციპალიტეტს 4 ერთეული „ისუზუ“ ფირმის ავტობუსი გადმოეცა. 3 ავტობუსი სოფელ რატევის, ქალაქი ბოლნისისა და სოფელ რაჭისუბნის მიმართულებით იმობილიზაცია, ერთი მათგანი კი ბოლნისი-დაბა კაზრეთისა და სოფელ ბალიჭის ხაზს მოემსახურება. პრემიერ-მინისტრს ამ მნიშვნელოვანი გადაწყვეტილებისთვის დიდ მადლობას ვუხდით.

განათლების ხელშეწყობა

საქართველოს განათლებისა და მეცნიერების სამინისტროს დაფინანსებით, 2023 წელს ქალაქ ბოლნისში, თანამედროვე სტანდარტებთან შესაბამისი, პროფესიული სასწავლებლის მშენებლობა დაიწყო. სამსართულიანი სასწავლებელი 150 სტუდენტზეა გათვლილი. კოლეჯში მოეწყობა თეორიული სწავლების აუდიტორიები, ბიბლიოთეკა, ადმინისტრაციული სივრცე, საკონფერენციო და სადემონსტრაციო დარბაზები. შენობა ალტურვილი იქნება გათბობა-გაგრილებისა და ვენტილაციის ცენტრალური სისტემით, შეზღუდული შესაძლებლობების მქონე პირთათვის მოეწყობა პანდუსები, ლიფტი და ადაპტირებული სველი წერტილები, სასწავლებლის ეზოში განთავსდება ღია სპორტული მოედანი, გამწვანებული რეკრეაციული ზონა, ტრენაჟორებით აღჭურვილი სავარჯიშო სივრცე და ავტოსადგომი.

სასწავლებელი მსურველებს, პირველ ეტაპზე, რეგიონის საჭიროებებზე მორგებულ, მოკლევადიან და საკვალიფიკაციო

პროფესიულ-საგანმანათლებლო პროგრამებს შესთავაზებს.

მიმდინარე წელს საქართველოს პრემიერ-მინისტრის ირაკლი ლარიბაშვილის მიერ ინიცირებული, სკოლების რეაბილიტაციის პროექტის ფარგლებში, ქალაქ ბოლნისის N3 და სოფელ ქაპალას საჯარო სკოლებში, საქართველოს განათლებისა და მეცნიერების სამინისტროს დაფინანსებით, მასშტაბური ინფრასტრუქტურული სამუშაოები დაიწყო. ინფრასტრუქტურული სამუშაოების ფარგლებში, რემონტდება სკოლების სახურავი და ფასადი, რეაბილიტირდება საკლასო ოთახები, სველი წერტილები. სკოლებში ეწყობა კომპიუტერული ქსელი, სახანძრო, სიგნალიზაციის, წყალარინებისა და ელექტროგაყვანილობის ახალი სისტემა. იცვლება კარ-ფანჯარა, განათება და იატაკი. განხორციელებული სამუშაოების შედეგად, სკოლებში, სასწავლო სივრცის პარალელურად, იფუნქციონირებს საბუნებისმეტყველო და კომპიუტერული ლაბორატორიები, ბიბლიოთეკა, რესურსოთახი და ექიმის კაბინეტი.

სკოლები ადაპტირებული გახდება სპეციალური საჭიროების მქონე პირებისთვის, მოეწყობა ლიფტი, პანდუსები და ადაპტირებული სველი წერტილები. ბოლნისის მუნიციპალიტეტი წარჩინებული სტუდენტებისთვის ყოველთვიურად გასცემს ფულად ნახალისებას.



2023 წლის პირველ სემესტრში ფულადი ნახალისება 71-მა სტუდენტმა მიიღო, მეორე სემესტრში კი 64 წარჩინებული სტუდენტი დაფინანსდა. 2023 წელს, წარჩინებული სტუდენტების ყოველთვიური ფულადი ნახალისებისთვის ჯამში 48 750 ლარი დაიხარჯა. აღსანიშნავია, რომ მოწყვლადი კატეგორიის 185 სტუდენტის ყოველთვიურ დაფინანსებას წელს 79 000 ლარი მოხმარდა.

სკოლამდელი აღზრდის ხელშეწყობა

პრემიერ-მინისტრის მიერ ინიცირებული და დამტკიცებული სამთავრობო პროგრამით, მთელი საქართველოს მასშტაბით, მათ შორის ჩვენს მუნიციპალიტეტში, ახალი საბავშვო ბაღების მშენებლობა და უკვე არსებულის რეაბილიტაცია ეტაპობრივად განხორციელდება. ახალი საბავშვო ბაღი დაბა კაზრეთში, სოფლებში: მამხუტი, ნახიდური, ტალავერი, რაჭისუბანსა და დარბაზში აშენდება. უკვე არსებულ საბავშვო ბაღებს რეაბილიტაცია ჩაუტარდება შემდეგ სოფლებში: ქვემო ბოლნისი, ტანძია და ქვეში.

აღსანიშნავია, რომ დაბა კაზრეთის, ტანძიის, მამხუტის, ქვემო ბოლნისის ბაღების პროექტირება უკვე დასრულების ეტაპზეა და მომავალი წლიდან სამშენებლო და სარეაბილიტაციო სამუშაოების დაწყება იგეგმება.

ტურიზმის ხელშეწყობა

ადგილობრივი თვითმმართველობის მიზანი ბოლნისის მუნიციპალიტეტის ტურისტული პოტენციალის მაქსიმალურად გამოყენებაა, ამიტომ ჩვენ წლების განმავლობაში მუნიციპალიტეტში ტურისტული ინფრასტრუქტურის შექმნისთვის არაერთი პროექტი გვაქვს განხორციელებული.

2023 წელს დასრულდა ჩვენი მუნიციპალიტეტის ერთ-ერთ პოპულარულ ლოკაციაზე ქვეშის ციხესთან საპიკნიკების მოწყობა. ინფრასტრუქტურული პროექტი ადგილობრივი ბიუჯეტის დაფინანსებით განხორციელდა და მისმა ღირებულებამ 147 438 ლარი შეადგინა.

ქალაქ ბოლნისის იერსახის გალამაზებისა და ტურისტული ინფრასტრუქტურის მოწყობის მიზნით, პროექტის „ბოლნისის მოდელი - წარმატებული მაგალითი ადგილობრივი ეკონომიკური განვითარებისთვის“ ფარგლებში, ქალაქ ბოლნისში, თამაზ სტეფანიას, ფარნავაზ მეფისა და წისქვილის ქუჩებზე ენერგოეფექტური სკამები გაკეთდა, ხოლო სულხან-საბა ორბელიანის ქუჩაზე ენერგოეფექტური გაჩერება მოეწყო.

ენერგოეფექტურ სკამებსა და გაჩერებაზე მოქალაქეებს უფასო ინტერნეტით სარგებლობა შეუძლიათ. სკამებზე ასევე ტემპერატურისა და ჰაერის დაბინძურების მაჩვენებელია განთავსებული.

სკამებსა და გაჩერებებზე, ლოკაციების მიხედვით, ნებისმიერ მსურველს, QR კოდების მეშვეობით, მუნიციპალიტეტის შესახებ სხვადასხვა ინფორმაციის მიღება შეუძლია. აღნიშნულ ინფრასტრუქტურაზე ასევე ბოლნისის მუნიციპალიტეტის რუკაცაა განთავსებული.

გამორქვები. დასაწყისი 2-363,

აღსანიშნავია, რომ ევროკავშირისა და ბოლნისის მუნიციპალიტეტის თანადაფინანსებით პროექტის ფარგლებში, ქალაქ ბოლნისის ისტორიულ უბანში ასევე მოეწყო ენერგოეფექტური გარე განათება, მერაბ კოსტავასა და ნისქვილის ქუჩებზე კი მუხის მარადმწვანე ნერგები დაირგო.



წელს ძველ გერმანულ უბანში, გაიხსნა ქართულ-გერმანული ღვინის სახლი, რომელიც ექსკლუზიურად ბოლნისური ღვინის სადგურსტაციო სივრცეა. საუკუნოვანი გერმანული სახლის რესტავრაცია-რეაბილიტაცია კომპანია „არემტის“ ინიციატივითა და მხარდაჭერით, ასევე „სამხრეთ კავკასიაში გერმანული კულტურული მემკვიდრეობის დაცვის კავშირის“ ჩართულობით განხორციელდა. კომპანია „არემტის“ ჩვენი მეღვინეების მხარდაჭერისა და ბოლნისის ტურისტული პოტენციალის განვითარებაში შეტანილი წვლილისთვის დიდ მადლობას ვუხდით.

სოფლის მეურნეობის ხელშეწყობა

2023 წელს „აგროცენტრის“ შენობის გაფართოების სამუშაოები დაიწყო. ევროკავშირის გრანტისა და ადგილობრივი ბიუჯეტის თანადაფინანსებით, ახალ სივრცეში სოფლის მეურნეობის პროდუქციის ხარისხის კონტროლის ლაბორატორია განთავსდება.

ბოლნისური ღვინის პოპულარიზაციის მიზნით, ქალაქ ბოლნისში ძველ გერმანულ უბანში, ბოლნისის ადგილობრივი ღვინის ფესტივალი- სლოგანით „ბოლნისი - ოქროსფერი ღვინის ქალაქი“ მოეწყო.

დაცული ადგილობრივი დასახელების ღვინის ფესტივალი საქართველოში პირველად გაიმართა. ღვინის დიებაში მონაწილეობა ჯამში 70-მდე მეღვინეობამ მიიღო. ფესტივალში დაცული ადგილობრივი დასახელების ღვინო საქართველოს სხვადასხვა კუთხიდან იყო წარმოდგენილი.

ფესტივალის ფარგლებში ასევე მოეწყო დაცული ადგილობრივი დასახელების ღვინის კონკურსი, რომელსაც, როგორც ადგილობრივი, ასევე ღვინის ამერიკელი ექსპერტებისა და სომელიეებისგან დაკომპლექტებული ჟიური ჰყავდა.



ადგილობრივი თვითმმართველობის ინდექსი

2023 წლის ადგილობრივი თვითმმართველობის ინდექსის შედეგების მიხედვით, ბოლნისი 43%-ით ქვემო ქართლის ლიდერი მუნიციპალიტეტი გახდა, 64 მუნიციპალიტეტს შორის კი მე-15 ადგილს იკავებს.

აღსანიშნავია, რომ 2021 წელს ბოლნისის შედეგი - 13% იყო და რეიტინგში 55-ე ადგილს ვიკავებდით.

აღსანიშნავია, რომ სოციალურ ქსელებში ინფორმაციის გავრცელების შედეგობინებებზე პასუხის გაცემისა და უკუკავშირის ხარისხის მიხედვით, აქ ბოლნისის მუნიციპალიტეტის მერია 100% აქვს.

მოგახსენებთ, რომ ინდექსი წარმოადგენს საქართველოს მუნიციპალიტეტების შეფასების ინსტრუმენტს, რომელიც განსაზღვრული კრიტერიუმებით აფასებს მუნიციპალიტეტში ღიაობისა და გამჭვირვალობის, საჯარო ინფორმაციის, პროაქტიული

გამოქვეყნების, ელექტრონული მმართველობის, მოქალაქეთა მონაწილეობის ხელშეწყობისა და ანგარიშვალდებულების ხარისხს.

მოხარული და ამაყი ვარ, რომ ჩვენ შევძელით ინდექსის გაუმჯობესება და რეგიონის ლიდერები გავხდით.

საქართველოს ადგილობრივი თვითმმართველი ერთეულების ფინანსისტთა ასოციაციის ჯილდო

24-26 აგვისტოს სასტუმრო „რუმს ყაზბეგში“ საქართველოს ადგილობრივი თვითმმართველი ერთეულების ფინანსისტთა ასოციაციის XIV ყოველწლიური კონფერენცია გაიმართა. კონფერენციაზე ბოლნისის მუნიციპალიტეტის მერია საქართველოს ადგილობრივი თვითმმართველი ერთეულების ფინანსისტთა ასოციაციამ ორ ნომინაციაში დააჯილდოვა.

ჩვენი მუნიციპალიტეტის მერიას ორი პრიზი გადაეცა: წლიური ბიუჯეტის საუკეთესო შესრულებისთვის და ლიდერობა და მართვა საქართველოს თვითმმართველობის ორგანოებში.

მწვანე გარემოს შექმნა

ადგილობრივი თვითმმართველობისთვის პრიორიტეტულია მწვანე გარემოს შექმნა. ამ მიმართულებით ჩვენ გამწვანების აქციებს ყოველწლიურად ვუწევთ ორგანიზებას. 2023 წელს ქალაქ ბოლნისში, რამდენიმე ლოკაციაზე, სხვადასხვა ჯიშის ხე მუნიციპალიტეტის გამწვანების სამსახურმა დაარგო. გარემოზე ზრუნვა თითოეული ჩვენგანის პასუხისმგებლობაა. ქალაქში ხე-მცენარეების სიმრავლე, ჯანსაღი საცხოვრებელი გარემოს შესაქმნელად, ძალზედ მნიშვნელოვანია. ქალაქის სხვადასხვა ლოკაციაზე ჯამში 8 სახეობის 300 ძირი ხე-მცენარე დაირგო.

სპორტის ხელშეწყობა

2023 წელს ქალაქ ბოლნისში მრავალფუნქციური სპორტული კომპლექსის მშენებლობა აქტიურ ფაზაში შევიდა. ინფრასტრუქტურული პროექტის ფარგლებში მოეწყო 250 მაყურებელზე გათვლილი ტრიბუნა. პირველი დარბაზი დაეთმო: კალათბურთის, ფრენბურთისა და ხელბურთის სივრცეებს. მეორე დარბაზი დაეთმო: კრივის,



ჭიდაობის, კარატისა და სხვა სპორტული აქტივობების სივრცეებს. ინფრასტრუქტურული სამუშაოების ფარგლებში, შენობა აღიჭურვება გათბობა-ვენტილაციის თანამედროვე სისტემით, სპორტკომპლექსი ადაპტირებული იქნება შეზღუდული შესაძლებლობის მქონე პირთათვის, კეთილმოეწყობა კომპლექსის მიმდებარე ტერიტორია. ინფრასტრუქტურული პროექტი მუნიციპალური განვითარების ფონდის მიერ ფინანსდება და მისი ღირებულება 2 500 000 ლარს შეადგენს.

აღსანიშნავია, რომ წელს სოფელ ცურტავში, ადგილობრივი ბიუჯეტის დაფინანსებით, სტადიონი გავაკეთეთ, რომლის სამუშაოებზე 238 999 ლარი გამოიყო.

ჯანსაღი ცხოვრების წესის პოპულარიზაცია ბოლნისის მუნიციპალიტეტის პრიორიტეტია, ამიტომ ადგილობრივი ხელისუფლება ცდილობს ჩვენს სპორტსმენებს გვერდში დაუდგეს და მხარი დაუჭიროს.

2023 წელს სპორტსმენების ფულადი წახალისებისთვის 122 300 ლარი დაიხარჯა, სპორტსმენთათვის ერთჯერადმა ფულადმა ჯილდომ 45 600 ლარი, ყოველთვიურმა ფულადმა წახალისებამ კი 76700 ლარი შეადგინა. ამ პროგრამით 2023 წელს ჯამში 78-მა სპორტსმენმა ისარგებლა.

მოხარული ვარ, რომ ბოლნისის მუნიციპალიტეტის საკრებულომ 2024 წლის ბიუჯეტი დაამტკიცა. მომავალი წლის ბიუჯეტი, წინა წლის ბიუჯეტთან მიმართებით, 3 260 000 ლარით გაიზარდა და 41 400 000 ლარი შეადგინა. 2024 წლის ბიუჯეტში მაქსიმალურადაა ასახული მოქალაქეების ინტერესები და საჭიროებები. ბოლნისის მუნიციპალიტეტისთვის სოციალური პროგრამები პრიორიტეტულია, ამიტომ ამ მიმართულებით მომავალი წლის ბიუჯეტი 1 508 260 ლარით გაიზარდა და 6 311 400 ლარი შეადგინა. 2024 წელს, მუნიციპალიტეტში, არაერთი ინფრასტრუქტურული პროექტის განხორციელებას ვგეგმავთ, რისთვისაც 6 139 100 ლარი გამოიყო. ვიმედოვნებ, რომ 2024 წელი ბოლნისისთვის არაერთი წარმატების მომტანი იქნება, ჩვენ კი მუნიციპალიტეტის განვითარებისთვის ძალისხმევას არ დავიშურებთ.

# საახალწლო ღონისძიებამ ბოლნისში სრული ანულაბით ჩაიარა

ცივი, სუსხიანი ზამთრის მიუხედავად, წელიწადის ეს დრო განსაკუთრებულად ბრწყინვალა და ლამაზია. ვემშვიდობებით ძველს და ახალს, ახალი იმედებით ველოდებით. უკვე რამდენიმე დღეა პრემიერის საჩუქრით, ულამაზესი ილუმინაციებით მოირთო ქალაქი ორივე შემოსასვლელიდან.

„საახალწლო ღღეებს“, რომელიც პრემიერ მინისტრის ინიციატივით ქვეყნის მასშტაბით აღინიშნება, 28 დეკემბერს ბოლნისმა უმასპინძლა, რომელსაც ადგილობრივი და ცენტრალური ხელისუფლების წარმომადგენლებიც დაესწრნენ.

„საახალწლო ღღეებს“ ღღეს ბოლნისის მუნიციპალიტეტმა უმასპინძლა. საზეიმოდ მორთულ ქალაქში მთავარი ნაძვის ხის წინ საშობაო სოფელი

განთავსდა, დამონტაჟდა სცენა, ბავშვებისთვის მოეწყო გასართობი სივრცეები, სადაც მათ მხიარულ განწყობაზე 14 საათიდან ელფები, ფიფქები და თოვლის ბაბუ ზრუნავდნენ. საახალწლო ღონისძიების ფარგლებში გაიმართა ადგილობრივი მეწარმეების პროდუქციის გამოფენა-გაყიდვა, სადაც მსურველებს კახური ჩურჩხელისა და გერმანული გლინტჰეინის დაგემოვნებაც შეეძლოთ.

ღღის მანძილზე განერილი აქტივობები, ჯგუფი „ურსას“ ჰიტად ქცეულმა სიმღერებმა განსაკუთრებულად გაალამაზა. თიკა ბალანჩინმა და New One Band-მა მოწვეული სტუმრების წინა საახალწლო განწყობაზე იზრუნეს და მათთვის საყვარელი სიმღერები შეასრულეს. გალა კონცერტი გრანდიოზული ფორევერკით დასრულდა.



აივ ინფექცია - შიდსი

შიდსის მსოფლიო დღე ყოველწლიურად 1 დეკემბერს, ჯანმრთელობის მსოფლიო ორგანიზაციისა და გაეროს გენერალური ასსამბლეის მიერ 1988 წელს მიღებული გადაწყვეტილების თანახმად მსოფლიოს 160-ზე მეტ ქვეყანაში აღინიშნება. საქართველო ყოველწლიურად უერთდება შიდსის მსოფლიო დღის აღნიშვნას.

ამ დღის მიზანს აივ-ინფექცია/შიდსთან დაკავშირებულ გამოწვევებზე ყურადღების გამახვილება და აივ/შიდსის მიმართ საზოგადოების ცნობიერების ამაღლება წარმოადგენს. ყოველწლიურად შიდსის მსოფლიო დღე გარკვეულ თემას ეძღვნება. 2022 წლის მსოფლიო დღის კამპანიის გზავნილია: „გავხდეთ თანასწორნი!“

მიმდინარე წელს შიდსთან ბრძოლის მსოფლიო დღეს, გაეროს შიდსის პროგრამა (UNAIDS) მოგვიწოდებს აღმოვიხვიოთ უთანასწორობა, რომელიც აფერხებს მსოფლიოს წინსვლას შიდსის დასრულებაში 2030 წლისთვის.

მსოფლიოში 2030 წლისთვის აივ ინფექცია/შიდსის ეპიდემიის დამარცხება შეუძლებელი იქნება პროგრამების წარმატებული განხორციელების უპირველესი ბარიერების - უთანასწორობის, სტიგმისა და დისკრიმინაციის აღმოფხვრის გარეშე. სტიგმა და უთანასწორობა ამცირებს სერვისების სარგებლიანობას, ხელს უწყობს დაავადების გვიან სტადიაზე გამოვლენას და არაეფექტიანს ხდის პაციენტის მკურნალობას.

რა არის აივ ინფექცია

აივ ინფექცია არის ადამიანის იმუნოდეფიციტის ვირუსით (აივ) გამოწვეული ინფექცია, რომლის ბოლო კლინიკურ სტადიასაც წარმოადგენს შიდსი - შეძენილი იმუნოდეფიციტის სინდრომი.

არსებობს აივ ინფექციის გადაცემის 3 ძირითადი გზა:

- ინფიცირებულ სისხლთან ექსპოზიცია – სისხლის გადასხმა, აივ-ით ინფიცირებული ინექციების და სხვა ინვაზიური მანიპულაციებისას არასტერილური დაბინძურებული სამედიცინო ინტრუმენტების გამოყენებით. ყველაზე ხშირად გადაცემა ნარკოტიკების ინექციური მოხმარებისას ხდება აივ ინფიცირებული სისხლით დაბინძურებული შპრიცებისა და ნემსების გამოყენებით.
- დაუცველი სქესობრივი კონტაქტი აივ ინფიცირებულ პირთან.
- ინფიცირებული დედიდან ბავშვზე ორსულობის, მშობიარობის ან ძუძუთი კვების შედეგად.

ვირუსი არ გადაეცემა აივ-ინფიცირებულთან:

- ხელის ჩამორთმევით, მოხვევით, კოცნით
- დახველებით, ცემინებით
- საერთო საკვების ან ჭურჭლის გამოყენებით
- საერთო ტუალეტით ან აბაზანით სარგებლობით
- საცურაო აუზით სარგებლობით
- კოლოსა და მწერების ნაკბენით
- აივ-ინფიცირებულთან ურთიერთობა სამუშაო, საზოგადოებრივ და საყოფაცხოვრებო გარემოში

აივ/შიდსი კვლავ რჩება მსოფლიოში საზოგადოებრივი ჯანმრთელობის ყველაზე მნიშვნელოვან პრობლემად, განსაკუთრებით დაბალ და საშუალო შემოსავლების ქვეყნებში.

ჯანმრთელობის მსოფლიო ორგანიზაციის მონაცემებით ეპიდემიის

დაწყებიდან დღემდე მსოფლიოში 78 მილიონი ადამიანი ინფიცირებული და 39 მილიონი გარდაცვლილი. 2013 წლის ბოლოსთვის მსოფლიოში 35 მილიონი აივ ინფიცირებული იყო. 2022 წლის 1 დეკემბრის მონაცემებით საქართველოში ანტირეტროვირუსულ თერაპიას იტარებს 5968 პაციენტი.

გაეროს შიდსის პროგრამის შეფასებით სამიზნეებთან მიმართებაში 2021 წლის ბოლოს საქართველოს მიღწევები შემდეგია:

- გამოვლენილია აივ ინფექცია/შიდსით დაავადებულთა 88%
- მკურნალობის პროგრამაში ჩართულია აივ ინფიცირებულთა 81%
- ვირუსული დატვირთვა განულებულია 94%-ში, ქალ პაციენტებში 95%-ში.

აივ ინფექცია/შიდსის დიაგნოსტიკა და მკურნალობა დღეს საქართველოს ნებისმიერი მოქალაქისთვის ხელმისაწვდომია და მთლიანად ფინანსდება სახელმწიფოს მიერ.

არსებობს აივ ინფექციის გადაცემის პრევენციის რამდენიმე გზა:

- უსაფრთხო სქესის პრაქტიკა პრევენციის გამოყენებით
- სქესობრივი გზით გადამდები ინფექციების, მათ შორის აივ ინფექციის, ტესტირება და მკურნალობა
- ინექციური ნარკოტიკების მოხმარებისგან თავის შეკავება, მოხმარების შემთხვევაში ახალი და ერთჯერადი ნემსის და შპრიცის გამოყენება
- სისხლისა და სისხლის პროდუქტების აივ ინფექციაზე ტესტირების უზრუნველყოფა
- დედიდან შვილზე ინფექციის გადაცემის პრევენცია

აივ ინფიცირებული დედიდან ბავშვზე შიდსის ვირუსის გადაცემის რისკი 2% - მდე მცირდება, თუ ორსულს ჩაუტარდება: ანტირეტროვირუსული თერაპია, საკეისრო კვეთა, სათანადო კონსულტაცია ბავშვის ხელოვნურ კვებასთან დაკავშირებით.

2022 წლის 1 დეკემბერს, ჯანმო მოუწოდებს გლობალურ ლიდერებსა და ქვეყნების მოქალაქეებს, გაერთიანდნენ შიდსის მართვაში უთანასწორობის დასამთავრებლად.

დევიზი „გავხდეთ თანასწორნი!“ არის მოწოდება მოქმედებისკენ, მოთხოვნა ძალისხმევის გაძლიერებისთვის უთანასწორობის აღმოსაფხვრელად და შიდსის დასამარცხებლად. ამ მიზნის მისაღწევად კი საჭიროა შემდეგი ღონისძიებების გატარება:

- აივ ინფექციის მკურნალობის, ტესტირებისა და პრევენციის სერვისების ხელმისაწვდომობის და ხარისხის გაზრდა
- კანონების, პოლიტიკისა და პრაქტიკის განახლება აივ-ინფიცირებული ადამიანების, მაღალი რისკის ჯგუფებისა და მოწყვლადი მოსახლეობის სტიგმის, გარიყულობისა და დისკრიმინაციის დასაძლევად
- სამკურნალო და სადიაგნოსტიკო ტექნოლოგიებზე თანაბარი ხელმისაწვდომობის გაზრდა, რათა გლობალურ დონეზე შესაძლებელი გახდეს მეცნიერებისა და მართვის თანამედროვე მიდგომებზე თანაბარი წვდომა.
- საზოგადოებებმა უნდა გამოიყენონ და განავრცონ გზავნილი - „გავხდეთ თანასწორნი!“, რათა ხაზი გაუსვან კონკრეტულ უთანასწორობებს და სტიმული მისცენ მათ მოსაგვარებლად საჭირო ქმედებებს.

2022 წლის წარჩინებული კურსდამთავრებულების დაჯილდოება

ბოლნისის მუნიციპალიტეტში, ოქროსა და ვერცხლის მედალოსნებისთვის, მედლების გადაცემის ცერემონია გაიმართა. საზეიმო ღონისძიებას საქართველოს პარლამენტის წევრი, ბოლნისის, დმანისის, წალკისა და თეთრიწყაროს მაჟორიტარი დეპუტატი გოგი მეშველიანი, მუნიციპალიტეტის მერი დავით შერაზაძეშვილი და საგანმანათლებლო რესურსცენტრის ხელმძღვანელი იამზე სვანიძე, საჯარო და კერძო სკოლების დირექტორები, პედაგოგები და მშობლები ესწრებოდნენ.

ეროვნული სასწავლო გეგმის თანახმად, წარჩინებული მოსწავლეები ოქროს და ვერცხლის მედლითა და სერთიფიკატით დააჯილდოვეს. თუმცა, მანამდე ბოლნისის საგანმანათლებლო რესურსცენტრის ხელმძღვანელმა მოკლედ მიმოიხილა განათლების სფეროში მიმდინარე მოვლენები, წარჩინებულ მოსწავლეებს დიდი შრომის შედეგად მიღწეული წარმატება მიულოცა და საზეიმო ვითარებაში გაგრძელდა მედალოსნების დაჯილდოება.

როგორც რესურსცენტრის ხელმძღვანელი აცხადებს წარჩინებული მოსწავლეების ოდენობა ყოველწლიურად მზარდია. ბოლნისის მუნიციპალიტეტში, 2022 წლის კურსდამთავრებულებს შორის, როგორც კერძო, ასევე საჯარო სკოლებში, 36 ოქროს და 4 ვერცხლის მედლის მფლობელია. თითოეული მათგანი, სწავლას უმაღლეს



სასწავლებლებში განაგრძობენ და ნაბიჯ-ნაბიჯ მიუყვებიან დასახული მიზნების განხორციელებას.

## Տոն և գեղարարական միջոցառման օրինակում Kazreti գյուղատեղում խոտաբույսի լույսերը կոխարկվել

Դեկտեմբերի 28-ին խոտաբույսի լույսերը տոն և գեղարարական միջոցառման շրջանում կոխարկվել էր։ Laura Durqlishvilin ղեկավարած «Imedi» անսամբլի անդամները նոր ծրագիր և սոլո կոնցերտ ներկայացրին։ Միջոցառմանը տեղական իշխանության ներկայացուցիչները և Bolnisi խորհրդակցության մարման առաջին տեղակալը Buba Qobejshvili-ն մասնակցեցին։ Երկրային տնային մոտակայքում նոր տարիների և պաշտպանության ստեղծագործությունների ցուցահանդեսը կազմակերպվել էր։ Երկրային խորհրդակցության ստեղծագործությունները կո-

նքաբար կատարվելուց անմիջապես հետո խորհրդակցության կողմից կազմակերպված «Onlar daha da böyüycək» անվան Ֆլեյմոբ անսամբլի անդամները մարտիկներին հարգանքներ արտահայտեցին։ Միջոցառմանը մասնակցեցին «Mediator» երիտասարդների խումբը՝ հայտնի հիթերը կատարելով։ Տեղական բնակիչների սիրելի և անհատական միջոցառմանը մասնակցող խոտաբույսի լույսերի կոխարկման միջոցառմանը գեղարարական և անհատական խոտաբույսի լույսերով կատարվեց։





# სიანსლუაბი

ჩიჩი მეთაულს ბრუკი

## არემჯიში სამთოელის დღე 2023 აღნიშნეს

არემჯი ჯგუფი აგრძელებს ტრადიციას და სამთოელის დღეს თანამშრომლებთან ერთად აღნიშნავს. სამთოელის დღის კორპორატიულ დღედ დაარსებიდან მე-5 წელს, კომპანიამ მასშტაბურად აღნიშნა პროფესიული დღე და თანამშრომლებს თბილისის სახელმწიფო საკონცერტო დარბაზში უმასპინძლა.

მარინე სანიკიძე, წლის სამთოელი.

წლის სამთოელების გამოვლენის შემდეგ, სტუმრების წინაშე საქართველოს ეროვნულ სიმფონიურ ორკესტრთან და მოწვეულ სოლისტებთან ერთად წარსდგა ნიკოლოზ რაჭველი, ცნობილი პროექტით, „კინომუსიკის შედეგები“.



„მეხუთე წელია სამთოელის დღეს აღვნიშნავთ და კომპანიაში უკვე დამკვიდრდა ეს ტრადიცია. გამონაკლისი არც წელსაა და დღეს, ასეთ შესანიშნავ დღეს დავაჯილდოვეთ 7 სამთოელი. განსაკუთრებით მინდა აღვნიშნო, რომ დღევანდელი დღე ორმაგად დღესასწაულია ყველასთვის, რადგან მოგვანიჭეს ევროკავშირის წევრობის კანდიდატის სტატუსი და თითოეული ჩვენი თანამშრომლისთვის, საქართველოს თითოეულის მოქალაქისთვის ეს ძალიან დიდი დღესასწაულია.“ - ჯონი შუბითიძე, არემჯის აღმასრულებელი დირექტორი.

ლონისძიება სამთოელების დაჯილდოებით გაიხსნა. წლის სამთოელის ჯილდო წელს 7 თანამშრომელს გადაეცა. საპატიო ჯილდოები სტუმრებს არემჯის ხელმძღვანელებმა და მოწვეულმა სტუმრებმა გადასცეს.

„ძალიან მოულოდნელი იყო ჩემთვის ეს სიურპრიზი, ძალიან გამიხარდა ძალიან ვამაყობ, რომ ამ კომპანიაში ვმუშაობ. და რა თქმა უნდა, ეს დაფასება ჩემთვის ძალიან ბევრს ნიშნავს.“ -

2023 წლის სამთოელები გახდნენ:

1. მიხეილ ქობონელიძე - კავკასიის სამთო ჯგუფის მთავარი გეოლოგი
2. მარინე სანიკიძე - მინერალოგიის ჯგუფის უფროსი
3. ანზორი კიპაროძე - ექსკავატორის მემანქანე
4. გივი ავქოფაშვილი - სამთო სატვირთო მანქანის მძღოლი
5. ნანა საბიაშვილი - საოპერატორო განყოფილების უფროსი
6. ილია ქურდაძე - მასალების დაგეგმვისა და მონიტორინგის სპეციალისტი
7. ჯამბილ ტაყიგულოვი - არემჯი აურამაინის სამთო გამონამუშევრის გამმაგრებელი

არემჯი სამთოელის დღეს 2019 წლიდან აღნიშნავს და ამ დროიდან, პროფესიული დღე კომპანიის 4000 თანამშრომელს აერთიანებს.



## გივი (სოსო) ავქოფაშვილი

არემჯის სამთო-სატვირთო მანქანის მძღოლი



გივი ავქოფაშვილი კომპანია არემჯიში 40 წელია მუშაობს, დაბა კაზრეთის პროფესიული სასწავლებლის დამთავრების შემდეგ, 1983 წელს, დაიწყო მუშაობა და მას შემდეგ ერთგულად, დიდი პროფესიონალიზმით ასრულებს დაკისრებულ მოვალეობას, 2023 წლის 17 დეკემბერს სამთოელის დღეზე მას, როგორც დამსახურებულ თანამშრომელს „წლის სამთოელის“ ჯილდო გადაეცა.

„სამსახური ჩემთვის ოჯახივითაა, აქ დღითიდღე უმჯობესდება სამუშაო პირობები, წინა წლებთან შედარებით, ბევრად განვითარდა შრომის პირობები, მოწესრიგდა გზები, რაც ჩვენთვის, მძღოლებისთვის აუცილებელია, გვაქვს განახლებული და გაუმჯობესებული მანქანების სარემონტო ბაზა, მძღოლის პროფესიაში უსაფრთხოება მთავარია, ამისთვის უნდა ვიყოთ ყურადღებით, დავიცვათ წესები, გამოვიჩინოთ მეტი სიფრთხილე. „წლის სამთოელის“ ჯილდო ჩემთვის ძალიან სასიხარულოა, სწორედ იმ შრომის, ერთგულების დაფასებაა, რასაც წლებია ვემსახურები. საქმე, რომელსაც ვაკეთებ, ძალიან მიყვარს, როცა გადასებენ, მოტივაციაა“